



新安大好紀麗

歙縣洪榜著

徽州總載

秦屬鄆郡漢丹陽吳新都

烏聊白際



府志烏聊山一名富山在府城內漢建安
之亂縣人毛甘以萬戶屯此山為三國吳
時賀齊所破因置新都郡唐越國公汪華
在隋末稱吳王時亦嘗屯兵義寧中自休
寧遷治此山城之東陞皆踐山為之西有

四水合流山上數石圓而白曰落星石唐
中世刺史薛邕遷越國公廟於此俗呼為
廟山別呼山之東峯為東山云 白際府
志在休寧縣南八十五里其山由婺源五
嶺而來連起大峯相續不斷東連歙之危
峯方吳查木諸嶺界睦之遂安衢開化

淋瀝龍嵒

淋瀝府志山在縣西南十里頂游山之東

漢末土寇陳僕祖山二萬戶領兵屯其上
事見三國吳志賀齊傳今山上寨基墻壁
尚存鋤山或得箭鏃山之東有石洞可容
數十人因刻石為佛像寒泉滴瀝四時不
斷西有瀑布自千丈崖瀉下又有仙人碁
盤石曰嘗見金燈如千百流星飛墜滿野
龍嵒府志山在績溪縣東北二十九里
其山四合中有官道通寧國縣揚之水出

焉按一統志揚之水出大鄣山西流至臨溪入歙界舊郡志又謂出大尖山即徽嶺山也績溪舊志云大尖山水嶺壯者入旌德嶺南者入常溪合揚之水蓋績邑之川惟出植山者不合揚之水餘皆入焉循其委流皆得稱揚之水實則出自龍嵒也龍嵒水北流迺叢山關過寧國入蕪湖出揚子江南流合諸水入歙浦

祁山徽嶺

祁山府志在祁門縣東北一里接黟縣界三面皆石壁上有巖名棲真在洞元觀後昔孫野仙棲真於此東有石室名青蘿巖旁有湧泉 徽嶺府志徽一作翬舊名大尖山在縣西北西北連凜山佛論嶺新嶺東連仙人巖抵叢山關又南接大鄣山之陽水入於歙陰則水入於旌德故有嶺南

嶺北之今宋王安石為江西提刑有度麾
嶺詩作麾字按太平廣記載績溪大徽村
改州為徽取此則徽字為是

石蓋玉山

石蓋初學記引輿地志曰歙縣靈山甚高
峻有圓石高數丈上有石蓋府舊志云靈
山在歙縣西北三十里山產靈香草及黃
精上有靈壇人射獵有犯之者終無所獲

新安志引文獻通考云歙縣漢有靈山今
按文獻通考云歙漢縣有靈山志之誤也
志又云山有靈壇為古高禖著靈西京亦
不知何所本志又云上有甘露殿奉甘露
仙宋時績溪貞女汪氏修真蟬蛻於此世
目為甘露王如來非也歲以六月十八日
作佛事其夜青燐出山谷中俗謂之金燈
會明初李韓公善長讀書山中嘗為撰疏

手書鐫板禱輒應久之湯漈不可讀別鑿則無驗嘉靖中里人以善長有佐命功請於郡建碑又按舊志靈壇靈草之說見太平寰宇記所謂道士祈請不燒香自然芬馥者也 玉山按山海經云三天子鄩山在閩西海北郭璞注云今在新安歙縣東今謂之玉山浙江水出其邊經又云浙江水出三天子都 在其東郭注云按地里志

浙江出丹陽黟縣南蠻中東入海今錢塘浙江是黟即歙也水經云漸江出三天子都漸江即浙江也又山海經云廬江出三天子都北過彭澤縣一曰天子鄩水經亦云廬江水出三天子都北過彭澤縣西北入於海今按徽郡之山所謂三天子都與三天子鄩者紀傳荒蕪莫可得而指名惟績溪縣有大鄩之山及黃山有天都之峯

說者遂以傳會然以水道按之惟休寧之率山俗名張公山其陽之水西入彭蠡其陰之水東流合黟之吉陽水會歙浦入浙江者為與經合則為此山無疑汪循率山記之言為不誣矣記又言其嘗遊率山見巨石上鐫三天子都字其處有仙人跨澗石清風嶺獨枕山近三天子石有圓土岡東西有擂鼓尖振衣岡中擁小石岡竊謂

兩巨中小以小為尊此即三天子都也葉少蘊讀水經注不熟謂山海經之三天子都在彭澤至謂錢塘江自彭澤來其誤固不待辨而黃省曾廬山吟所謂■少讀神禹經昔為天子都者亦為訛謬相仍堪輿家言廬山出天子地語尤不經今按張公山在休寧婺源之間舊郡志於兩縣並載張公山而於績之大鄣山下引祥符經

云即三天子鄣山秦立鄣郡取此又載顧野王以為永康縉雲山及或說廬山或說靈巖三洞叙而不斷尚為疑以傳疑而新志則以率山一山於休寧以為張公於婺源以為大鄣而於績之大鄣則云又名玉山是直混同黑白矣今一斷以廬江浙之水所出則可曉然無疑而績之大鄣自可毋庸牽引至吳時憲以黃山之最高峰

為三天子都而以婺與匡廬績溪為三天子都南西東北之鄣不知郭注山海鄣讀為章鄣郡亦無去聲何得憑志以為去聲而因附會張氏地理記東陽永康石城山黃帝曾遊即天子鄣之說朱大同以率山為在黟績間黟績本不接界也方以智以黟山率山大鄣為一又不知一在徽之正北一在西南一在東北萬難一視也吳澄

地里表以率山乃江南諸山之祖今以水
源山脉按之其洵然也又按水經注浙江
地里志云水出丹陽黟縣南蠻中北迳其
縣南有北山山上有石特起十丈峰若劍
杪浙江又北歷黟山縣居山之陽故縣氏
之漢成帝鴻嘉二年以為廣德國封孫雲
客主於此晉太康中以為廣德縣今隸宣
城郡會稽陳業潔身清行遯跡此山浙江

又北迳歙縣東與一小溪合水出縣東北
翁山西迳故城南又西南入浙江又東迳
遂安縣南溪廣二百步立杭以相通水甚
清深潭不掩鱗故名新安今歙縣立之晉
太康中又改從今名一統志云新安江源
有四一出歙黟山一出休寧率山一出績
溪大鄣山一出婺源浙山合流至新安為
灘三百六十今按績溪大源出於龍從合

歙水從練溪入歙浦黟婺之水皆合休寧
浙溪於溪口合祁門東來之水至率口合
率山北來之水然後會於歙浦

車輪靴石

府志歙縣呂公灘一名車輪善覆舟唐判
史呂季重募工平之今為安流 府志祁
門靴石潭在祁山西昔有大石墜如靴故
名

舍蓋景蘇

舍蓋府志堂在府治後宋時郡守以正堂
不利避弗居至洪适乃揭扁敞之以延四
方往來之士范成大作記述其意 景蘇
府志樓在績溪縣舊秋風堂宋紹興間邑
宰曹訓慕前令蘓轍之賢摹其遺像及所
為詩鐫於石為此樓貯之名曰景蘓
蕭王墓梅銷城

蕭王墓府志在歙縣南之長陔有大旱其上累土如塚者凡二三十處號蕭王墓民間請雨必祭蕭王及孫王孫王者或云即三國吳太子和也梅鎔城府志在祁門縣西十里鎔秦鄱陽令吳芮之將以功封列侯食邑十萬戶即此今皆榛莽

鱸溪水牛泉山

鱸溪水府志出祁門武陵嶺至鱸口合大

共水牛泉山府志在黟縣北五十七里東接太平縣界輿地志云牛泉嶠自麓至頂每九里一頓凡九頓並山為路陘處纔七八寸臨不測之深上常多風故木雖合抱而長不及丈惟南向有之雖盛夏亦衣襦頂有水方廣丈許冬夏不增減名牛泉相傳牛跑得泉往往有累石為路處蓋昔往丹陽之道也

玉龍潭石鷲洞

玉龍潭府志在績溪縣西北二十五里澗中有巨石生二白龍長丈餘宛然有升降之狀上有水注潭深數仞雖盛夏寒氣逼人禱雨多應上有玉龍菴石鷲洞府志在黟縣東二十五里有石洞可容百人相傳昔有頭陀居此磬一有聲巨蛇羣出人異之

小歛水大會山

府志婺源源出小歛山南流四十里入樂平界大會山府志在績溪縣西五十里高山特出晴霽陟其巔可望見宣池太平樵貴谷橋隱堂

樵貴谷輿地紀勝云在縣南方輿勝覽云在黟縣北昔土人入山行七日至一穴豁然周三十里中有十餘家云是秦人入此

避地又云按縣圖有潛村至今數十家同
為一村或謂之小桃源 橘隱堂府志休
寧月潭朱氏園亭元朱伯初建有石門臨
清閣觀瀾亭釣雪舟平林小隱趙訪記又
有橘隱堂

朝陽樓向杲院

朝陽樓府志在休寧璫溪總管金子西建
陳櫟記 向杲院府志在歙縣永豐鄉梁

大同元年建

金紫院玉樞菴

金紫院府志在歙縣西三十里黃羅峯之
北宋紹興間汪若容若思奉勅葬其父叔
教於此因奏立金紫院附祠像其中 玉
樞菴府志在休寧汪潭宋少師程秘建祀
父少傅公文夷

梅花初月樓秋水霞天閣

梅花初月樓府志在歙縣石門明休寧學士朱升建升歸老太祖賜書五字見存秋水霞天閣府志在休寧縣治東附物產

黃精南燭

黃精府志生山之陰視其花之白以別鉤吻土人號為甜蕨亦曰胡孫薑南燭府志叢生春晚苗葉紅赤照耀山谷道家用

作餽飯其色青故謂之青精飯非人家庭館所植南天竹也

困子檻都

困子府志似山雞而小無尾見祥符經府志舊經有檻都不知何魚也

冰翼麥光

冰翼宋志宋景德四年閏五詔特減放諸郡六十六處貢物而歙所貢七物在其數

中有麥光紙白滑水翼紙 麥光見上
蓮心雀舌

蓮心府志茶舊有勝金嫩葉仙枝來泉先
春運合英華之品近歲茶名有雀舌蓮心
金芽次者為芽下白為走林為羅公又為
開園軟枝大號諸名 雀舌見上

瓜子棗心

瓜子府志硯出婺源龍尾山武溪肇於唐

開元葉氏因獵偶得石製以為硯按一統
志稱其品有五一日眉子石有七種二曰
外山羅紋有十三種三曰裏山羅紋有一
種四曰金星有三種五曰驢坑有一種大
抵以青色綠暈多金星者為上郡志又稱
有刷絲石棗心石小班文麤細羅紋瓜子
紋然惟上出深溪者自南唐置歙硯務搜
取殆盡佳者不可得 棗心見上

丁香棗白石英

丁香棗府志紫黑不類棗其蒂核皮肉正
柿之絕小者耳一名牛乳柿蓋古槩類
白石英府志陶隱居云今醫家用新安所
出極細長白澈者壽陽八公山多大者不
正用之仙方大小並用惟須精細無瑕者
耳

新安大好紀麗

歙縣洪榜著

黃山

圖經黃山舊名黟山當宣歙二郡界
高一千一百七十里即軒轅黃帝浮
屬西南屬休寧縣八十里所唐天寶六年
邱公容成子樓真之按江南諸山之
月十七日勅改黃山郡國志云天目山
者有萬八千丈而低於黃山者何也
高一目近連浙江天台俯瞰滄海地勢
天下百川所歸而宣歙二郡即江海之
海之濫觴也今計宣歙二郡之平地已
山齊況此山有摩天之憂日之高則宣
池饒江信浙東西等郡之山並是
肢脉自歙郡至山口一百二十里自山

至湯院又八里磴道崎嶇不通車馬按
周書異記神仙傳云昔軒轅黃帝問道
於廣成子受胎息於容成子吐納而穀
神不死獲靈丹於浮邱公願樞衣躬待
遊蓬萊迺告浮邱公曰願樞衣躬待
煉浮邱公曰凡擇賢而師學必精與
水勝地業則易成煉金丹唯江西南
據得其中雲凝碧漢氣冠郡山神
馬地無葦辛境絕腥腐古木靈藥三
不周名花異果四季皆有山高木茂
為炭以成藥逆泉直瀉如飛布下有
泉香美清溫冬夏無變若能齋心已
沐浴其中飲之灌腸萬病皆癒矣黃
遂命駕與容成子浮邱公同遊此山
有三十六峯三子浮邱公同遊此山

洞八
巖云

杵曰石鉢孟峯

杵曰石圖經云第一鍊丹峰浮邱公於此
峯頂鍊丹經八甲子丹成黃帝即服七粒
不藉雲靄昇空遊戲故其上有鍊丹竈下
有鍊丹源源中有鍊丹水池洗藥搗藥
石杵曰石儼然尚存 圖經第五鉢孟峯
連煉丹峯如覆鉢之狀下有新羅菴神仙

補闕傳云昔劉宋時東國有僧人不知其名來此脩禪定絕色味三十餘年不出溪口嘗於峰脚平石上以錫杖卓出一泉鍊丹而服偶一日彩雲仙樂來迎忽乘龍而上昇又有一洞深莫可測人不敢入其鍊丹處梁大同中有人見一鼎並石竈藤蘿纏鎖因名仙僧洞洞口陰暗之夜有一燈現朗如星明人謂之聖燈又有擲鉢源其

僧常擲鉢於空中久而始下其錫杖泉至今在焉潘之恒曰今丞相源即此峯下萬曆己酉冬建一鉢庵

香泉石乳

香泉圖經云第二天都峯與鍊丹峯相並為羣仙之所都峯下有香谷源長聞異香馥郁又有香泉溪水常香美也石乳圖經云第十二疊障峯在雲際峯西其形如

障下有石乳巖巖中長滴石乳其白如雪
四季不絕今俗呼滴水巖又有陰阮源長
陰不見日色源水東流入白雲溪溪中一
潭如盆下有一大潭黃帝曾向此取水鍊
丹感白龍現名曰白龍潭水流入朱硃溪
後有松谷祖師結菴潭外二里許基址猶
存近年亦有道人棲止於此松谷有石志
潘之恒曰黃山有兩松谷西路入海子新

朔白雲菴

青鸞白鹿

圖經云第三青鸞峯連天都峯狀如青鸞
之蹲下有採藥源黃帝曾於此採藥也

白鹿圖經云第十石人峯在蓮花峯北宛
如人形下有白鹿源曾有白鹿為人所獵
又有駕鶴洞浮邱公在此駕鶴也

紫石峯錦霞洞

圖經第四紫石峯峯連青鸞純是紫石下有湯泉源源水流下湯泉溪歙州圖經云黥山東峯下湯泉溪中有湯泉泉口如椀大出於石間熱可黥茗仙經云山石出硫黃硃砂其水即熱湯春時即紅氣味香美周書異記云黃帝受浮邱公還丹服四十二粒毛髮鬢潤過常視其肌膚悉皆皴坼黃帝如浮邱公命至湯泉浸七日皴坼故

皮隨水而去須臾湯泉中有白龍現雲霧翳空上有笙歌之聲逡巡雲氣開散青天亮皎正當日晝香氣氤氳隨風襲人珠函玉壺自空而下浮邱啓之函中有霞衣寶冠珠履壺中有瓊漿甘露浮邱曰此是上天降下遂授於帝帝迺受之持歸石室浮邱遂於南峯題石壁記以示後世至唐大歷中歙州刺史薛邕遣人就立舍宇大設

盆斛病無輕重入者皆瘡又云唐大中五年刺史李敬方患風疾遂至湯池浸浴六年十一月又入浴因感白龍現風疾遂瘥乃造白龍堂并勒銘於石銘曰黥山南垠湯泉沸騰伏陽韜燄陰火潛蒸盛夏不增窮冬不冰其誰主張惟龍是膺刺郡二年病不能興發汗五日信而有徵迺作龍堂于湯西陵乃刻龍像為神依憑非衆非公

非巫非僧王徭步將陳顛歛丞迭掌吾事各勤爾能未盡瞻依去懷憂兢苟肆湯心貽神怨憎盲瞶瘡瘖災亦相仍壬申既夏一陰始升銘石室壁庶無騫崩遂踰湯院請僧住持焉保大二年勅為靈泉院宋朝賜名祥符院錦霞洞圖經云第八獅子峯在硃砂峯西南宛如獅子蹲踞下有錦霞洞常有錦霞生又有香林源林中常有

異香馥郁

華蓋巖仙燈洞

華蓋巖圖經云第七硃砂峯宛如削成峯
半壁有硃砂巖巖中有硃砂望之崩頽猿
猴亦不能到惟飛鳥方及神仙補闕傳云
浮邱公黃帝同取此砂鍊丹故天下獨貴
之人莫能獲下有硃砂洞朱砂石硃砂源
硃砂溪溪水東流入湯泉溪潘之恒曰今

法海禪院在其下萬曆辛亥夏勅建慈光
寺仙燈洞見鉢盂峯吳日宣記云洞前
廣丈餘中半倍之後視中復廣者尺深五
十餘步一壁下隔為二洞各廣四步有奇
水從石滲出右洞二池一泓澄澄足供酌
盥僧架木為室塊處其間有溪出其下激
石作聲

迴瀾石疊障峯

迴瀾石圖經云第六桃花峯連鉢孟峯下有桃花源桃花溪世傳以為黃帝所種至今遍峯源溪洞前純是桃花三月方盛開謝時滿溪水紅流入湯泉溪即名為桃花湯閔麟嗣黃山志迴瀾石在桃源溪中泉奔觸石其行紆徐御史江東之題迴瀾石三大字又潘之恒黃海紀曰今天都社建此溪上 壘障峯見石乳注閔志下有白

雲谷

搗月巖藏雲洞

搗月巖圖經第九蓮花峯在硃砂峯壯狀如蓮花正開下有蓮花洞蓮花源水流硃砂溪與桃花溪合流閔志云蓮花峯石蓋中尊千葉簇簇如瓣諸山無敢爭高而徑尤窈窕遊人緣莖而升穿孔而出紆迴傾曲始達峯巔下視萬丈絕壑右望江水甚

黃左望海氣甚黑又曰蓮花洞方廣三丈許右劈一峽聳絕凌洞巔級而升前一峯突立如插圭正當洞門頂如二指形名曰搗月巖旁一樹與峯相矗如翼衛然又云蓮峯千仞之上有洞如規洞間樹影名月裏娑羅峯下有蓮花溝又有蓮蓋峯奇峭不可登上有石船又名渡雲峯 藏雲洞圖經第十一雲際峯在石人峯西南峯頂

入雲際下有藏雲洞長藏白雲又有乳水源味甘如乳下有布水水落白雲溪溪向東流入桃花溪

阜茨嶺紫烟源

阜茨嶺圖經第十三浮邱峯連疊障峯西南陰研源南圖經云頂有浮邱翁仙壇彩雲靈禽棲止其上即浮邱公遊息之所下有浮邱廟浮邱觀唐會昌中拆毀廟址猶

存每年州縣水旱祈禱立應峯下有五雲源浮邱曹於此乘五色雲去又有浮邱溪今俗呼浮溪水東南流入曹公溪昔人姓曹曾於此上昇今呼為曹溪閔志云曹公溪在黃山之東腋左阜英嶺右雙嶺潘之恒曰浮溪去山三十里始合曹溪 紫烟源圖經云第十四容成峯在浮邱峯東容成子常游息於此故有容成溪今俗呼容

溪峯下有紫烟源又有容成洞潘紀云容溪之源去峯七十里有臺

紫芝紅朮

紫芝圖經云第十五軒轅峯東連容成峯下有紫芝源周書異記云黃帝曾於源中採紫芝峯頂有仙石座即黃帝坐處下有仙人洞紫雲溪又有仙石室即黃帝游息之所曾有樵翁入室中見一道士釀酒為

設一盃翁云天性不飲至夜又彈琴說之
翁乞寓宿道士不許送出洞口忽到朱砂
溪復迷入硃砂洞香林源不得出變成毛
人今有毛人巖在焉 紅木圖經云第三
十丹霞峯在石床峰西南下有紅木源遍
生紅木有丹霞溪時有流霞隨水而出

仙人五老

仙人圖經云第十六仙人峯在軒轅峯東

北頂有二石人宛如刻成對坐仙記注云
浮邱與黃帝上昇之後雙石笋化成峯可
高十丈信神仙之聖跡俗謂南向者為軒
轅背倚一石屏迥如玉宸北向者為浮邱
其下石壁高五百餘仞猿猴亦不能到遊
者上紫石峯望之下有仙人洞 五老圖
經不載劉大魁記曰光明頂高埒蓮花峯
而勢稍平行有角嶄然起東南下臨絕壑

五老峯起自壑中甚近視之如小兒
上昇將隱

上昇圖經云第十七上昇峯連仙人峯昔
人姓阮於此上昇下有阮公源阮公巖阮
公溪今俗呼阮溪山下往往聞仙樂之聲
閔志云峯常為雲擁聲若上舉故名 將
隱閔志云將隱巖在獅子林

逍遙溪光明頂

逍遙溪圖經第十八清潭峯連疊障峯北
下有大清潭流水傾瀉高可百餘仞下有
布水源錦魚溪溪中嘗有錦鱗魚潘紀云
即今逍遙溪 光明頂圖經不載閔志云
旃檀嶺從光明頂達煉丹臺道中香鑪高
峙百仞石筍二峯大者不可登小者纍纍
矗天而上石數片勻置數方如戶松蟠其
上張翠蓋覆焉戴澳記云光明頂可昇而

新安大如約履
上至頂豁然開朗三障九華匡廬天目及
城邑村隲皆歷歷可指

青牛白馬

青牛圖經第十九翠微峯連清潭峯北下
有翠微源翠微洞又有翠微寺青牛溪昔
人有於此見青牛走入水中尋覓不見峯
下有布水源 白馬圖經第三十四芙蓉
峯在松林峯西下有白馬源即黃帝游行

之地隔溪南面有馬蹄石蹄跡宛在
仙都法水

仙都圖經第二十仙都峯連翠微峯下有
仙都源仙都觀神仙補闕傳云黟山北峯
是神仙遊處潘紀云以上二峯屬宣州之
太平縣 法水閔志云法水巖在大悲頂
龍鬚源馬跡石

龍鬚源圖經第二十一望仙峯在山北連

仙都峯周書異記云黃帝乘飛龍上昇羣
臣拔龍髯墮地故下有龍鬚巖至今長生
龍鬚草下有望仙鄉有人望見空中三仙
上昇聞彩雲中絃歌之聲今峯西有絃歌
鄉絃歌洞絃歌溪俱屬太平縣 馬跡石
見白馬注

九龍洞百藥源

九龍洞圖經第二十九九龍峯連望仙峯

東南九朶合成如九龍相纏下有九龍巖
九龍源九龍洞九龍溪九龍觀潘紀云今
從海門鍊丹臺觀之盡其奇幻 百藥源
閩志云在布水峯下

聖泉布水

聖泉圖經云第二十三聖泉峯在九龍峯
西南桃花峯東北宛如削成上下大中間
小狀如腰鼓頂有湯池人不能到於隣峯

頂上望見池中波浪騰沸從地湧出一布
水向峯頂東南而下入湯泉源甘泉溪周
書異記云浮邱翁謂黃帝曰黠山中峯之
頂上有湯池其味甘美可以鍊丹煮石蓋
此處也 布水圖經云第二十八布水峯
在雲門峯下有百藥源紅泉溪布水長十
餘丈

猿猴巖狼豹洞

猿猴巖圖經云第二十四石門峯即黃山
之中峯下有石門兩山相通山之半壁有
一大石塔架其上兩畔相對各有一大石
床如龜形長數丈通人行當中有一大石
塔正圓如月有四層趾圍二丈高三丈上
大下小狀如刻成然非人力能及蓋靈仙
所建也半壁有一石澡瓶引甃狀如杓柄
中有流泉出焉山下有毛人唐大歷中出

為人所殺明日其妻至亡處號跳而去峯
下有石門源石門溪猿猴巖狼豹洞 狼

豹洞見上

仙碁石聖水泉

仙碁石圖經第二十五碁石峯在石門峯
畔浮邱與黃帝圍碁之所也唐天寶中嘗
有人至此見一石棋局有子分明遂撥開
取之去却回見復如初後人尋之莫知其

處下有碁石源 閩志云聖水泉自湯寺
溯洄桃花溪二里可至又二里為鳴絃泉
石柱雲門

圖經第二十六石柱峯在碁石峯西北如
柱之削成下有石壁故號石壁源 圖經
第二十七雲門峯在石柱峯南兩峯相並
如門雲氣常從門中過下有雲門源雲門
溪溪水從二峯中流向東南去

石室源松谷寺

石室源圖經云第二十九石床峯在布水峯東北頂上有石床長一丈二尺闊五尺如白玉琢成即容成浮邱黃帝游息之所上有碧石枕三枚紫石床三張下有石室源石室如屋深十餘丈松谷寺圖經見石乳注閩志云在疊障峯下張真人初居太平花山寺後遷此松谷其別號也真人

塔在殿後

杏桃源柘木嶺

杏桃源圖經第三十一雲外峯在丹霞峰西北下有杏桃源峯頂有杜鵑花遍峯純是有瀑布飛下數十丈柘木嶺閩志云距湯口三里飛龍峯駕鶴洞

飛龍峯圖經云第三十五峯飛龍連芙蓉

峯下有百花源百花洞又有布水流入湯
泉溪中 駕鶴洞見白鹿注

松林柏木

圖經云第三十三松林峯在雲外峯西下
有松林溪黃連源石榴巖 柏木圖經第
三十三散雲峯在松林峯西下有柏木源
又有榆花溪流入湯泉溪口

采石飛泉

圖經第三十六采石峯連飛龍峯西下有
白龍源陰暗之夜白石如玉有布水流下
飛泉閔志云飛泉溪泉出高原激逆於
石飛灑入溪溪光因泉碎亂

擲鉢院漂瓶泉

閔志擲鉢禪院在鉢孟峯下山隴中俗名
丞相源潘之恒初名一鉢湯賓易為擲鉢
蓋精舍之極嚴整者 漂瓶泉見猿猴巖

注

丞相源尚書嶺

丞相源畧見前閔志云深三十餘里相傳
宋丞相管菟裘處或云陶學士石刻尚存
尚書嶺閔志云在望仙峯西相傳隋末
尚書胡裕隱此

文殊院觀音巖

文殊院閔志云在天都蓮花兩峯後擁玉

屏峯前有菩薩座登座跌坐煙雲無際萬峯
出足底院為普門大師創休寧汪之龍重
建過小心坡夾壁爭綫光曳白為一線天
又進級轉壁崖斷如峽假松棧以渡渡已
升級天復一線行半里仰窺石頂突口如
喉憑梯出突衆峯盡露里餘至院光明頂
之曠桃花源之幽石筍砭之異惟文殊院
兼收之 觀音巖閔志云在老人峯道中

與朱砂洞對

停雪石落星泉

停雪石閔志在醉石傍泉淙淙從石壁下
下有石色陽白而陰黝如停雪 落星泉
閔志從停雪石入谷行半里有飛泉注石
成三科坎下復成五坎曰落星即鳴絃澗
鐵線潭金絲嶺
鐵線潭閔志在石鼓峯後歲旱投黑金擾

龍眠霖雨立應或云即黃帝採元珠處潭
號赤線 金絲嶺閔志由湯口至脚庵路
右折至三汊左折可至丞相源

流杯池歲舟石

流杯池閔志今失所在 歲舟石閔志在
桃源溪中首尾如舟

慈航法袋

慈航閔志石狀如航在大悲頂左 法袋

閱志石在大悲頂右

石鼓皮蓬

閱志在石鼓峯頂峯藉石得名 皮蓬閱

志淨瓶石在皮蓬前

飛魚石擾龍松

飛魚石閱志距一線天不遠 擾龍松閱

志散花隴中突兀一峯下臨無際一松破

石上透峯頂即偃其蓋衡枝長二三丈松

中第一奇觀見者駭矚尊為帝松

墨浪雲濤

墨浪閱志庵在白龍潭上因僧墨浪主此

得名 雲濤閱志菴在蓮花菴東南十里

面蓮花峯近雲門

卧雲指月

卧雲閱志菴廢趾在鍊丹臺側 指月閱

志菴在鍊丹臺側

五供半禪

五供閔志庵在後海面迎大壑廣遠百里
近山五岑作菴拱向 半禪閔志菴在海
門

飛雨泉盤雲嶺

飛雨泉閔志從湧寺遙望山高泉落如珠
最為可觀 盤雲嶺閔志嶺上有洞可棲
三十六峯盡在洞前

百丈千秋

閔志百丈泉自湯口行三四里即過此又
三里至湯泉 千秋閔志泉甚清澈

彈琴石洗杯泉

彈琴石閔志水簾洞中石也今舁置桃源
菴石方廣如琴磚 洗杯泉江瓘記醉石
之傍有泉淙淙走石壁下為洗杯泉
油潭湯口

油潭湯賓尹記油潭者如五千人大金絕
堪墻之不可即緣釜眉支坐瞪目其中點
灤黛衍如見釜底以絙測之十餘尋不可
竟在五龍潭下 湯口謝兆申記湯口以
南水皆注浮溪逕芳村與容溪合而入豐
樂之水口以北注湯溪迳烏泥嶺出大平
羅漢級兜率庵
羅漢級謝兆申記羅漢級凡五百濶五尺

從下眈級若梯挂焉從上眈水若帶圍焉
兜率菴閔志在合掌峯下僧一心建一
名皮篷以杉皮上覆得名徑從師子林左
畔折下

雲梯月塔

雲梯吳日宣記天梯出石峽間凡再折得
七百四十級為一天門不及里許為蓮花
溝又折上則二天門復上數十步達三天

門門平石廣可坐卧以覽諸勝復下百步
登雲梯下梯折得澗洞再上為一線天再
越里許至海石級 月塔閔志光明巖一
名覺海菴又名招隱菴在光明頂之隈月
塔在焉

海子洪中

海子湯賓尹記山之顛曰海子四面皆可
達東由丞相源西遊翠微釣橋松谷南由

蓮花溝松谷最夷蓮花溝最險從此陟級
而得所為天門者三一線天者三既乃得
雲梯 洪中汪道昆記黃山芭巖谷以百
數其隩區則洪中山四合東最高者曰羅
條北據上流曰牛鼻西最高者曰樓臺稍
南當下流曰乾溪視牛鼻齊其下為石礎
嶺石礎東折曰壺嶺有飯牛蹊蹊外即溪
即豐樂水也有黃竹潭桂竹灣華陽館韋

堂膠木亭冷風閣鹿谿鹿園天福諸勝明
蔣氏居

石礎嶺玉壺菴

石礎嶺閔志過嶺再度一嶺至芳村 玉
壺菴閔志在開黃里有杜鵑一株高仅許
頂平長丈餘竒觀也

空相斷凡

空相劉大樾記逕鉢孟老人峯趾見前有

若庭戶室居曰空相之廬空相者石影也
斷凡閔志斷凡橋橋架絕壑上下臨不

測

洗藥溪餐霞洞

洗藥溪見杵臼石 餐霞洞閔志水簾洞
左行十餘步復有二小洞中隔如堵墻為
餐霞洞三洞正面天都諸峯軒轅碑在洞
右與馬蹄石近

水簾洞玉屏峯

水簾洞閔志嵌湯寺右崖石色黑白相襍
瑩潔如玉登山三里許稍見林木亂石曲
折峭壁橫立水淙淙落如簾右轉迤窮石
梯天成踰溪里許抵洞洞盡有子洞如龕
洞外一水下注冬夏不竭 玉屏峯劉大
櫬記玉屏峯界天都蓮花之中亞而平自
遠望之如門限

月脇佛掌

月脇閔志巖在趙州菴左畔 佛掌閔志
從慈光寺普同塔進里許有石指三四儼
若掌形雲間顧謨題曰佛掌巖

天溜雲巢

天溜汪道昆饒中記云有石虛中如歌器
正立中流俗者亟就之署曰天溜 雲巢
劉大櫬記去蓮花洞復上嶺東行有巨石

當路而中虛於其中累石為磴數十級以
上如門題之曰雲巢

香林貝葉

香林閔志云在獅子峯下源中嘉樹林立
時發芬烈之氣山中古木屑之皆香亦一
奇也不異旃檀 貝葉閔志庵在蓮花洞
之上大司馬方公一藻建

弦泉劔石

弦泉閔志鳴絃泉由丹井上半里有石若
舸對岸右皆懸石絕壁壁下有橫石長數
十丈狀如琴泉拂琴上裊裊有聲 劔石
閔志由鳴絃泉谷折而陞有巨石倚巖折
裂形若青萍

菩提路寶珠庵

菩提路葛寅亮記云過老人峯折而東上
名觀音坳者即文殊洞口菩提路 寶珠

庵閔志在香爐峯下天都蓮花兩峯鶴而
立僧萬緣建

九峯一粒

九峯閔志在紫石峯峯左僧毒鼓建一
粒閔志一粒菴在墅村後山之樹登山之
路折折有松有篁有潭有瀑

白鷺嶺黃竹潭

白鷺嶺閔志云唐溫伯雪隱此李青蓮有

詩贈之稱白鷺峯黃竹潭見硤中注

小心坡大悲頂

小心坡閔志蒲團石在小坡上一線天下
正對天都峯一松作蓋大悲頂閔志法
水巖在大悲頂

普同塔始信峯

普同塔見佛掌注始信峯閔志定空室
在始信峯絕頂僅容蒲團僧一乘居三年

每從師子林暮梵畢雖昏黑大雨雪必子
影歸宿後道者鳥窠採藥黃山亦喜居此
江天一書寒江子獨坐五字又云始信峯
在石筍砭散花塢之西南三面臨壑背北
面南從絕壑中凸起一峯隔丈許濶不盈
尺架木作橋可至峯腰左垂翳一松借枝
扶手度橋盤折而上頂倚片壁有室在焉
棋枰松蒲圍石

棋枰松閱志在平天砭極奇古高二尺圍
如之技踰丈頂正平若砥蒲圍石見小
心坡注

牛鼻廟頭

牛鼻見硤中注 廟頭閱志巖在香泉溪
上一名山君

飛來石接引松

飛來石閱志在海門飛來峯上石高十丈

許與下石絕不相屬為飛至無疑又頽林
菴前小峯如柱頂兩石立如筮復一石寄
一筮上恍若飛來又翠微寺西峯堂側一
小石亦云飛來石接引松閣志在始信
峯松生彼岸枝橫此澗游者藉以登峯

天橋雲舫

天橋楊補記云天橋三石合成根左虛右
中斷嵌以三尖石泯合無痕橋側臨萬丈

淵是鳴弦泉 雲舫皮篷又名雲舫見府
志

石筍砭金砂嶺

石筍砭方拱乾記石筍砭一菴居萬筍中
較之丹園更奇旁一峯羣指直立松橫帶
之 金砂嶺閔志由慈寺光登觀音堂陟
嶺可眺天都頂

平天院立雪臺

平天院閔志在平天砭 立雪臺閔志在
文殊院右臺畔有石如鶴

卧龍破石

卧龍閔志文殊院道中一松橫偃石壁長
丈有奇作龍卧之狀 破石閔志松在一
線天有危石高二丈圓丈餘松根植石底
枝鋪石巔盖蔭敵許

八公石三昧泉

八公石閔志在石筍砭 三昧泉閔志近
天海菴

醉石秋泉

醉石閔志在香泉溪澚側弁而逸若不勝
栝椹者 秋泉閔志在石筍砭左壑右臺
下天成二小池余書并獲於立秋日因名
秋泉

蓮頂竹林

蓮頂閔志在蓮花峯月池下 竹林閔志
菴在伏牛嶺下即仙壇宮舊址地交宣池
有石巢陳君魯隱此

洋湖天海

洋湖閔志在芙蓉峯下湖約廣十頃 天

海閔志菴擅後海之秀

附物產

神鴉仙猿

神鴉閔志黃山有兩神鴉客至輒先期鳴
客遊山鴉背行而先若道焉每就山僧掌
上食生雞不畜蜀中豆圖山有二鴉客將
至必飛鳴與此同見唐杜光庭記 仙猿
閔志一白二元常在蓮花峯腰不與眾猿
為伍白者距石如雪普門呼為雪翁元者
長鬚三猿出沒不常見之者少猿之羣每
至數之必九十九猿

白鷗元鶴

白鷗閔志性耿介難畜雄彩而文素英見於黃山者色澤而神王元鶴閔志鶴水鳥而巢棲將雨則鳴晴仰陰俯類鶴鶴多白色黃山之鶴獨元羽

碧雞白鹿

碧雞閔志形色如雉翠膊碧臆鳴聲甚清白鹿閔志仙獸鹿滿五百歲而色白為

瑞曾見之石人峯

蒼豹山羊

蒼豹閔志石人峯下有之山羊閔志一

名野羊爾雅云羆也角細者為羆

朱蘭紫草

朱蘭閔志生仙人石上有莖無葉即石藍花也按拾遺記石藍之花輕而堅勁千年一開隨風靡靡蓋返蒐續命之葩焉紫

草閔志可染紫列仙傳商客能致紫草賣
與染家

赤骨黃精

赤骨閔志草本莖綠子紅食之甘芳 黃
精閔志得坤土之精故名有黃芝戊巳芝
餘糧救窮鹿竹菟竹之號子名垂珠根名
野生薑苗名畢菜八月收煮三晝夜色黑
如漆

山藟仙韭

山藟閔志形味俱類薯蕷而大加倍蕪取
以充糗多獲考杜蘭香傳食山藟可避霧
露山居者所宜 仙韭閔志丞相源有韭
菜澗長三尺者為仙韭

石耳香菌

石耳閔志芝蕈類也生於崖石望若流烟
惟黃山甲於天台四明及洛代諸山山民

繩度鈎引身懸千仞以取之 香菌閩志
生古松老杉上或生松陰采無時芳香韻
味俱絕

海桐石竹

海桐閩志生山谷中一名刺桐一名頽桐
高三四尺有花附幹而生紅色如火 石
竹竹不中空一名實竹

瓦竹石蓮

瓦竹閩志山中一種竹葉似箬山僧厚紉
覆屋代瓦 石蓮閩志似木蓮而五出花
時瀰漫山谷

山桃水桂

山桃閩志花似桃更天垂絲裊裊不勝
持 水桂閩志葉比桂小花如梅四出香
似蓮花麥秋時開

石鴨山蜂

芥子園

石鴨閔志石蠅俗稱石鴨味勝常鼃 山
蜂閔志石蜜山蜂廬石間釀蜜

山樂鳥石斑魚

山樂鳥閔志祥符寺龍池有啼禽名山樂
鳥侶常八九聲鳴有節奏常春時雖或曰
頻伽鳥也或疑頻伽為鸚鵡形色不同武
昌崇陽縣巖頭寺畔亦有之每日五更必
鳴其聲清歲止見一雙飛翔不出數里外

唐張說有時樂鳥詩酉陽雜俎亦載其事

石斑魚閔志頭小身圓長數寸大者尺
白鱗黑斑千百為羣

萬年松獨角獸

萬年松閔志草木生天都蓮花諸峯長三
四寸經冬不彫連根拔收歷數十年取置
水盤內蒼翠如新 獨角獸閔志羅願爾
雅翼曰如驢一角曰閭獨角獸也周書王

會篇北唐戎貢以閭山海經縣壅之山其
獸多閭

珊瑚鞭珍珠菜

珊瑚鞭閩志澗壑中草也叢生葉深綠初
秋拔莖二三尺密布小花色似珊瑚一名
金線海棠 珍珠菜閩志藤本暮春發芽
端綴一二莖圓白如珠葉綠脆如茶腊之
甘美

水角豆木蓮花

水角豆閩志性同蘊藻好生水而實布英
中投湯脆滑世味所希 木蓮花閩志在
華嚴堂前本踰拱高二丈花似蓮九瓣色
白縷紫香似玉蘭葉似枇杷朱實慈光一
本盛夏始花

垂絲鳳仙纓絡蠟梅

垂絲鳳仙閩志花紫色與鳳仙無異展葉

舒花一名葉上海棠 纓絡瓊梅閩志幹
葉類繡毬花似蜜脾一莖十數葩花時莖
垂如弱柳垂垂然如纓絡狀



